



REPUBLIKA E KOSOVES/REPUBLIKA KOSOVA/REPUBLIC OF KOSOVO	
AGJENCIA KUNDËR KORRUPSIONIT AGENCIJA PROTIV KORUPCIJE ANTI-CORRUPTION AGENCY	
Dep. Dep.	Nr Prot. Br Prot.
Dep. <u>DPK</u>	Prot No. <u>03-02/1213/17</u>
Nr. flet Broj stranica Nr. pages	Data Datum Date
<u>02</u>	<u>04.05.2017</u>
PRISHTINE	



Republika e Kosovës
Republika Kosova - Republic of Kosovo

AGJENCIA KUNDËR KORRUPSIONIT
AGENCIJA PROTIV KORUPCIJE
ANTI - CORRUPTION AGENCY

Në mbështetje të nenit 11 (paragrafi 1.1), nenit 5 (paragrafi 1 pika 1.5), nenit 18 (paragrafi 10 dhe 11) të Ligjit nr. 03/L-159 për Agjencinë kundër Korrupsionit, si dhe nenit 19 (paragrafi 11) të Rregullores nr. 01/2014 së Punës të Agjencisë kundër Korrupsionit, Drejtori i Agjencisë kundër Korrupsionit me datë 02.05.2017, mori:

V E N D I M

I. Mbyllet rasti me nr. AKK-03-02-67/17, për znj. Fixhrije Rrustemi, ish Anëtare e Kuvendit Komunal në Mitrovicë, për shkak se zyrtarja e lartë publike e ka shmangur gjendjen e konfliktit të interesit në ushtrimin e funksionit publik.

II. Rasti mund të rihapet në çdo kohë kur mund të paraqiten rrethana të reja.

A r s y e t i m

Rasti i hapur nën dyshimin e bazuar për Konflikt Interesi në Ushtrimin e Funksionit Publik për zyrtaren e lartë, znj. Fixhrije Rrustemi, ish Anëtare e Kuvendit Komunal në Mitrovicë dhe njëkohësisht Bibliotekiste e shkollës fillore "Musa Hoti" në Mitrovicë, është trajtuar sipas procedurës së paraparë në Ligjin nr.04/L-051 për Parandalimin e Konfliktit të Interesit në Ushtrimin e Funksionit Publik.

Pas pranimit të informatës me pretendime për konflikt interesi, zyrtarja e lartë znj. Rrustemi, është njoftuar me një shkresë zyrtare nga Agjencia kundër Korrupsionit, për fillimin e shqyrtimit të gjendjes së mundshme të konfliktit të interesit. Pas pranimit të kësaj shkrese, kemi organizuar një takim me zyrtaren e lartë.

Gjatë këtij takimi zyrtarja e lartë është bindur me fakte për kufizimin e përcaktuar në Ligjin për Shërbimin Civil nr.03/L-149 neni 17 paragrafi 1 në të cilin thuhet:

“Nëpunësit civilë mund të mbajnë, përkohësisht, pozita politike. Gjatë mandatit të tyre në këto pozita, statusi i tyre i nëpunësit civil pezullohet për shkak të mospërputhshmërisë ndërmjet emërimit politik dhe statusit të nëpunësit civil”.

Zyrtarja e lartë publike është deklaruar se do të ndërmarrë veprimet e nevojshme sipas kërkesës së Agjencisë për të shmangur gjendjen e konfliktit të interesit.

Ndërkohë, Agjencia ka siguruar një shkresë zyrtare (DPK-03-02/1091/17), me të cilën dëshmohet se znj. Fixhrije ka dhënë dorëheqje nga funksioni i Anëtares së Kuvendit Komunal në Mitrovicë. Andaj u vendos si në dispozitiv të këtij vendimi.

II. Në mbështetje të nenit 18 (paragrafi 11) të Ligjit nr. 03/L-159 për Agjencinë kundër Korrupsionit, Agjencia mund të rihap rastin në çdo kohë nëse paraqiten rrethana të reja.

Vendimi iu dërgohet:

- Zyrtarit të lartë publik
- Drejtorit të DPK- së
- Z./znj. (zyrtari përgjegjës)

Shqip Havolli
Drejtor i Agjencisë kundër Korrupsionit

